



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

ბალბა

ბალბა (Malva), ერთ, ორ ან მრავალწლოვან ბალახოვან მცენარეთა გვარი ბალბისებრთა ოჯახისა. აქვს 10-100 სმ სიმაღლის სწორი, გართხმული ან წამოწეული ღერო, მომრგვალო-თირკმლისებრი, ოდნავ დანაკვეთული, იშვიათად თათისებრ განკვეთილი გრძელყუნწიანი ფოთლები და მარტოული ან კონებად შეკრებილი თეთრი ან მოვარდისფრო-იისფერი ყვავილები. 40-მდე სახეობა გავრცელებულია ჩრდ. ნახევარსფეროს ზომიერ, იშვიათად სუბტროპ. სარტყლებში.

საქართველოში, მთის ქვედა და შუა სარტყლის ბუჩქნარებში, დანაგვიანებულ ადგილებსა და გზის პირებზე, იზრდება 5 სახეობა. მათგან *M. silvestris* და *M. neglecta* მთელ რესპუბლიკაშია გავრცელებული, *M. erecta* და *M. ambigua* - მხოლოდ დას. საქართველოში, *M. Pusilla* - აფხაზეთსა და ბორჯომში. ბ-ის ზოგიერთი სახეობის (*M. Silvestris*) ყვავილებსა და ფოთლებს იყენებენ ხალხ. მედიცინაში, ხმარობენ მხალად.

ლ. ხინთიბიძე
